

পোতাজিয়া বহুমুখী উচ্চ বিদ্যালয়ের সংক্ষিপ্ত ইতিহাস

অনন্ত কুমার গোস্বামী

পোতাজিয়া দ্বি-পার্ষিক উচ্চ বিদ্যালয়ের ১৩০তম বার্ষিক ক্রীড়া প্রতিযোগিতা উৎসব উদযাপন উপলক্ষে প্রকাশিত সংকলনটি এই বিদ্যালয়ের ঐতিহ্য জ্ঞাপন বহুবিধ বিষয় সংযোজিত হইয়াছে।

সংযোজিত বিষয়গুলিতে পাঠকদের অত্র বিদ্যালয়টির একটি পূর্ণাঙ্গ সংকলন প্রয়োজন। এই সংকলনটিতে অত্র বিদ্যালয়ের একটি ভাবগম্বীর বিশ্লেষণ বোধগম্য হইতে কষ্টসাধ্য হইবে বিধায়, অত্র প্রবন্ধটিতে বিদ্যালয়টির জন্মলগ্ন হইতে বর্তমান অবস্থা পর্যন্ত একটি সংক্ষিপ্ত ইতিহাস লিপিবদ্ধ করার প্রচেষ্টা গ্রহণ করা হইল। এই প্রচেষ্টা কতটুকু সার্থক হইল তাহার মূল্যায়ন পাঠকদের হৃদয়ে।

পোতাজিয়া দ্বি-পার্ষিক উচ্চ-বিদ্যালয়ের একটি ইতিহাস রচনা করিতে পোতাজিয়া গ্রামটি সম্পর্কে পাঠকদের ধারণা থাকা একান্তভাবে প্রয়োজন। পোতাজিয়া বৃহত্তর পাবনা জেলার-[বর্তমানে সিরাজগঞ্জ] অন্তর্গত শাহজাদপুর থানার

একটি গ্রাম, যাহা শাহজাদপুরের দক্ষিণ-পশ্চিম কোণে চলন বিলের হাওর এলাকায় অবস্থিত। এই গ্রামটির পোতাজিয়া নামকরণের পিছনে রহিয়াছে একটি উজ্জ্বল ইতিহাস। ইসলাম প্রচারের জন্য যে কয়েকজন আওয়ালিয়া দরবেশ এই উপমহাদেশের বিভিন্ন প্রান্তে গমন করিয়াছিলেন তাহাদের মধ্যে 'ইয়ামেন' দেশের বাদশাহর পুত্র মুখদম্ শাহদৌলা (রহঃ) আসিয়াছিলেন জলপথে তৎকালীন জাহাজ বা পোত যোগে। এই মনীষীর পোৎ জলের গভীরতা কম থাকায় এই স্থানটিতে আওজান বা নদর ফেলেন। তিনি ইসলাম প্রচার করিতে শহীদ হইয়াছিলেন শাহজাদপুরে। যাহার মাজার আজ পর্যন্তও শাহজাদপুরে সুমহান মর্যাদার সহিত সমুজ্জ্বল রহিয়াছে শাহজাদপুরের করতোয়া নদীর তীরে। এখানে উল্লেখ্য যে, অতীতে করতোয়া নদী চলন বিলের মধ্যেই সংযুক্ত ছিল। তাহার জাহাজ নদর করিয়াছিলেন বলিয়া এই স্থানটির নামকরণ করিয়াছিলেন পোত অর্থ জাহাজ, আওয়ালিয়া অর্থ নদর করা অর্থাৎ পোতাজিয়া। পরবর্তীতে ধর্ম



প্রচারের জন্য তিনি তাঁহার একজন সফর সঙ্গী হযরত খোয়াজ মনসুর ইয়ামেনী (রহঃ)-কে দায়িত্ব দেন। হযরত খোয়াজ মনসুর ইয়ামেনী (রহঃ) ইসলাম ধর্ম প্রচার কাজে ব্যস্ত থাকিয়া পোতাজিয়াতেই ইন্তেকাল করেন। তাঁহার মাজার শরীফও এইখানেই অবস্থিত। যে স্থানটি বর্তমানে পীরতলা নামে পরিচিত। পাবনা জেলার ইতিহাস ইহার স্বাক্ষর বহন করিতেছে। পরবর্তীকালে মুসলিম শাসনের অবসান হইয়া বৃটিশ শাসন কায়েম হয়। বৃটিশ শাসনের সময়ও এই গ্রামটি একটি ঐতিহ্যমণ্ডিত গ্রাম হিসাবেই সুপরিচিত ছিল। যে কারণে বৃটিশ শাসনের কুখ্যাত নীলকুঠি স্থাপনের সে নিদর্শনেরও সাক্ষ্য দেখা যায় এই পোতাজিয়ার পশ্চিমাঞ্চলে পাথরের মধ্যে শিরিষবৃক্ষে সুসজ্জিত একটি উচুস্থান যাহা অদ্যাবধি কুঠিবাড়ী নামে পরিচিত। এই গ্রামে সপ্তদশ শতাব্দির ঐতিহাসিক একটি স্থাপত্য কর্মও রহিয়াছে যাহার নাম নবরত্ন মন্দির।

অষ্টদশ শতাব্দিতে এই গ্রামে বসবাস করিত জমিদার, উচ্চ মধ্যবিত্ত, নিম্নমধ্যবিত্ত, শ্রমজীবী এবং কৃষিজীবী শ্রেণীর লোক গ্রামসহ এলাকার কিছু অংশ বিশ্ব কবি রবীন্দ্রনাথ ঠাকুরের জমিদারীর অন্তর্ভুক্ত ছিল। অন্যান্য জমিদার যেমন শ্রীশ চন্দ্র রায়, হরিশ রায় প্রমুখ ব্যক্তিদের নাম উল্লেখযোগ্য। দেশীয় সাংস্কৃতিক চর্চায় পোতাজিয়া গ্রামটি একটি দৃষ্টান্ত স্বরূপ। এই গ্রামে হিন্দু-মুসলমান যে নিবিড় ভাতৃসুলভ বন্ধনে থাকিয়া বসবাস করিত তাহার দৃষ্টান্ত এই গ্রামের ঈদ উৎসব, দুর্গা উৎসব ইত্যাদি প্রতিপালন, যে সাম্প্রদায়িক সম্প্রীতি প্রতিফলিত হইয়াছিল অতীতে, বর্তমানেও তাহার সাক্ষ্য দেখিতে পাওয়া যায় উক্ত উৎসবগুলিতে।

ভারতে যখন ইংরেজী শিক্ষা বা ইংরেজ কর্তৃক আরোপিত শিক্ষাব্যবস্থা এ দেশের মানুষ গ্রহণ করার সুযোগ পায়, স্থানে স্থানে ইংরেজী উচ্চ বিদ্যালয় স্থাপিত হয়, বিভিন্ন প্রচেষ্টায় পোতাজিয়ার তৎকালীন বুদ্ধিজীবীগণ সেই শিক্ষায় শিক্ষিত হওয়ার পরিমন্ডলের পিছনে পড়িয়া যান নাই। সেই স্রোতধারাতেই প্রতিষ্ঠিত এই পোতাজিয়া উচ্চ বিদ্যালয়। এই বিদ্যালয় প্রতিষ্ঠার প্রেক্ষাপটটি এই গ্রাম ও ইহার পার্শ্ববর্তী বিশেষ করিয়া রাউতার গ্রামের শিক্ষানুরাগের এটি মহান দৃষ্টান্ত।

সেই প্রসঙ্গে অত্র বিদ্যালয়টি প্রতিষ্ঠা লাভ হওয়াটা একটি বিচিত্রধর্মী। ব্রিটিশ আমলে এই দেশে জমিদার এককভাবে অথবা কোন উচ্চবিত্তশালী ব্যক্তি এককভাবে বিদ্যালয় প্রতিষ্ঠার বহু দৃষ্টান্ত থাকিলেও পোতাজিয়া গ্রামের অত্র বিদ্যালয়টি একক অনুদানের ভিত্তি ছিল না। এখানে এই বিদ্যালয়টি প্রতিষ্ঠার প্রয়োজনীয়তা অনুভব করেন এই গ্রামের সর্বশ্রেণীর বুদ্ধিজীবী মহল। এই বিদ্যালয় প্রতিষ্ঠার

উদ্যোগের দায়িত্ব গ্রহণ করেন অত্র গ্রামের একটি পরিবারের তিন ভাই :

১. কুমুনেন্দু রায় [অবঃ দায়রাজজ]
২. অম্বিকা নাথ রায়
৩. তারানাথ রায়

এই ভাতৃত্রয় পোতাজিয়ার সর্বস্তরের জনগনকে সংগঠিত করিয়া বিদ্যালয়টি প্রতিষ্ঠার কর্মসূচী গ্রহণ করেন। এই বিদ্যালয়টি প্রতিষ্ঠার জন্য সর্বাধিক অবদান ও কর্মপ্রচেষ্টার স্বাক্ষর রাখেন অম্বিকা নাথ রায়। তিনি দ্বারে দ্বারে এবং দেশ-বিদেশ হইতে ভিক্ষালব্দ অর্থ সংগ্রহ করিয়া এই প্রতিষ্ঠানটি প্রতিষ্ঠায় ব্রতী হন। তিনি তাঁহার গৃহীত প্রত্যেক পদক্ষেপ জনসাধারণের নিকট জ্ঞাত করিয়াছিলেন।


প্রথম বিদ্যালয়টির স্থান নির্দিষ্ট করা হয় পোতাজিয়া গ্রামের কেন্দ্র বিন্দুতে। এই গ্রামটি আঠারটি পাড়া সম্বলিত বৃহৎ গ্রাম। প্রতিটি পাড়ার সহিত সমান নৈকট্য স্থলপথে ও জলপথে যুক্ত ছিল। এখানে উল্লেখ করা প্রয়োজন পোতাজিয়া গ্রামটির প্রত্যেক পাড়ায় যাতায়াতের জন্য জলপথের গুরুত্বই বেশী ছিল, বর্তমানেও যাহা বিদ্যমান রহিয়াছে। প্রথম নির্দিষ্ট স্থানটি কবি গুরু রবিন্দ্রনাথ ঠাকুরদের স্টেট হইতে বিদ্যালয় প্রতিষ্ঠার জন্য বন্দোবস্ত লয়েন এবং প্রাথমিক পর্যায়ে ইংরেজী ১৮৮৮ সালে একটি এম. ই. স্কুল প্রতিষ্ঠার মধ্য দিয়া এই বিদ্যাপিট স্থাপনের প্রচেষ্টার সার্থকতা লাভ করে। তৎপরবর্তীকালে শ্রী অম্বিকা নাথ রায়ের নিরলস প্রচেষ্টায় পূর্নাত্ম উচ্চ ইংরেজী বিদ্যালয়ে উন্নীত হয় এবং পরবর্তীতে এই বিদ্যালয়টি ইংরেজী ১৮৯৪ সালের ১২ই মার্চ তারিখে বৃহত্তর পাবনা জেলার ৫ম তম বিদ্যালয় হিসাবে কলিকাতা হইতে পোতাজিয়া ইংরেজী উচ্চ বিদ্যালয় নামে অনুমোদন লাভ করে। এই সূত্রে উক্ত তারিখটি অত্র বিদ্যালয়টি প্রতিষ্ঠার দিন বলিয়া ধরা হয় এবং সর্বসম্মতভাবে বিদ্যালয়টির প্রতিষ্ঠাতা হিসাবে ও প্রথম সম্পাদক হিসাবে অম্বিকানাথ রায়-এর নাম চিরস্মরণীয় হইয়া রহিয়াছে এবং থাকিবে। এখানে এই বিদ্যালয় প্রতিষ্ঠায় যাহারা অম্বিকাবাবুকে নানাভাবে উৎসাহিত এবং পৃষ্ঠপোষকতা প্রদান করিয়াছিলেন তাঁহাদের প্রথম সারির নাম উল্লেখ করা একান্ত আবশ্যিক। তাঁহাদের কতিপয় নাম এখানে উল্লেখিত হইল :

- (১) স্থানীয় জমিদার বাবু শ্রীশ চন্দ্র রায়
- (২) স্থানীয় জোদ্ধার বাবু গৌরলাল ঘোষ
- (৩) রাউতারার জমিদার বাবু সুরথলাল চৌধুরী
- (৪) রাউতারার জমিদার বাবু রশিকলাল নন্দী,
- (৫) মোহাম্মদ মোসলেম পণ্ডিত (স্থানীয় সমাজসেবী)

দালান নির্মাণ করিয়াছিলেন। যাহা যোগেশ চন্দ্র মেমোরিয়াল হল নামকরণ করা হইয়াছিল। অন্যান্য শ্রেণীকক্ষ টিনের ঘর, উত্তোলন করিয়াই চলিতে থাকে। ঐ সময় হিন্দু সম্প্রদায়ের অনেকে দেশ ছাড়ায় বিদ্যালয়টির ছাত্রছাত্রী সংখ্যা আশানুরূপ বৃদ্ধি পায় না। তবে পরবর্তীতে পূর্বের ভারপ্রাপ্ত প্রধান শিক্ষক শ্রী অতুল্য চন্দ্র চক্রবর্তী মহাশয় দেশে ফেরেন এবং নিবারণ চন্দ্র ঘোষ মহাশয় অসুস্থতার কারণে অবসর গ্রহণ করিলে পুনরায় তিনি প্রধান শিক্ষকের দায়িত্ব গ্রহণ করেন। তাঁহার পর প্রধান শিক্ষকের ভার গ্রহণ করেন একজন সুদক্ষ সিরাজগঞ্জ বি. এল. স্কুলের কার্যরত শিক্ষক অত্র গ্রাম নিবাসী হরিপদ অধিকারী মহাশয়। তাহাতে কিছুটা প্রাণের সঞ্চারণ ঘটে এবং প্রতি বৎসর ম্যাট্রিক পরীক্ষার পাশের হার পূর্বের ন্যায় উন্নিত হয়। হরিপদ বাবু অবসর গ্রহণের পর অত্র বিদ্যালয়ে একজন অভিজ্ঞ শিক্ষক যিনি শাহজাদপুরের ইব্রাহীম বালিকা বিদ্যালয়ের প্রধান শিক্ষক দেবেশ চন্দ্র রায় প্রধান শিক্ষক পদে নিযুক্ত হইয়াছিলেন ১৯৫৪ ইং সালে। এখানে উল্লেখ্য যে ইতিমধ্যে অত্র গ্রামে একটি বালিকা বিদ্যালয় স্থাপিত হওয়ায় অত্র বিদ্যালয়ের প্রায় সকল ছাত্রীগণই উক্ত বালিকা বিদ্যালয়ে অধ্যয়নের সুযোগ পায় এবং বিদ্যালয় হইতে ছাত্রীদের সংখ্যা হ্রাস পায়। তাছাড়া তাঁহার নিযুক্তিকালে পোতাজিয়া এবং তৎপাশ্ববর্তী অঞ্চলে মাঠের ফসল প্রতি বৎসর বন্যায় নষ্ট হইতে থাকে এবং বড়-ছোট সমস্ত কৃষক পরিবারই আর্থিক বিপর্যয়ে পতিত হয়।

সংগতকারণেই বিদ্যালয়ের ছাত্র-ছাত্রী সংখ্যা প্রতিবৎসর কমিতে থাকে। দেবেশ চন্দ্র রায় ছিলেন উল্লাপাড়ার নিকট ভট্টকাগ গ্রামের একজন উচ্চ মধ্যবিত্ত শ্রেণীর লোক। তিনি ছিলেন একক, নিঃসন্তান এবং বিপত্নীক। বিদ্যালয়ের অন্যান্য শিক্ষক গ্রবীন এবং স্থানীয় সুযোগ্যতা সম্পন্ন ছিলেন বলিয়াই ছাত্র কমিয়া যাওয়ার কারণেও আর্থিক অনটনের বিষয়টি শিক্ষকগণ অনেক ধৈর্য ও ত্যাগ স্বীকার করিয়া বিদ্যালয়টি সমুন্নত রাখেন। ঐ সময় কয়েকজন তরুণ হিন্দু শিক্ষক দেশত্যাগ করায় সেই সমস্ত শূন্যস্থানে বিভিন্ন স্থান হইতে শিক্ষক নিয়োগ করা হয়। কিন্তু বিদ্যালয়ের আর্থিক অবস্থার প্রেক্ষাপটে তাঁহারা বেশি দিন অত্র বিদ্যালয়ে বহাল থাকেন নাই। এই অসুবিধাকর অবস্থায় বিদ্যালয়ের পরিচালনা কমিটি এবং গ্রামের সুধীব্যক্তিগণ অত্র এলাকার যোগ্যতাসম্পন্ন শিক্ষক নিয়োগ করিবার নীতি গ্রহণ করেন এবং স্থানীয় শিক্ষক নিয়োগের দৃষ্টান্ত সৃষ্টি করেন।

ঐ একই চিন্তাধারায় অত্র বিদ্যালয়ের স্থানীয় এবং অত্র বিদ্যালয়েরই ছাত্র ছালামত আলী বি. এ সাহেবকে সহকারী প্রধান শিক্ষকের পদে নিয়োগ করা হয় এবং তিনি অত্র বিদ্যালয়ে চাকুরীরত অবস্থাতেই বি-এড. ডিগ্রী নেন। প্রধান শিক্ষকের চাকুরীর মেয়াদ বর্ধিত করিয়া সরকারী কর্তৃপক্ষের অনুমোদন সাপেক্ষে তাঁহাকে চাকুরীতে বহাল রাখেন। ইতিমধ্যে গ্রামে স্থাপিত বালিকা বিদ্যালয়টি অর্থনৈতিক অনটনে ও আরও অন্যান্য কারণে বিলুপ্ত হইয়া যায়। ফলে বিদ্যালয়ের ছাত্র-ছাত্রী সংখ্যা কিঞ্চিৎবৃদ্ধি পায়। তৎসঙ্গে



বিদ্যালয়ের আর্থিক অবস্থারও উন্নতি হয়। তাহার পর চাকুরীর বয়সসীমা বর্ধিত সীমার উর্ধ্বে উঠায় দেবেশ চন্দ্র রায় অবসর গ্রহণ করেন। বিদ্যালয় কর্তৃপক্ষ সহকারী প্রধান

শিক্ষককে প্রধান শিক্ষকের দায়িত্ব অর্পণ করেন। যিনি দীর্ঘ প্রায় ৩০ বৎসর যাবৎ প্রধান শিক্ষকের পদে আসীন আছেন। জনাব ছালামত আলী প্রধান শিক্ষক পদে যোগদানের পর বিজ্ঞান ও মানবিক উভয় বিভাগেই শিক্ষা ব্যবস্থা চালু হয় এবং বিদ্যালয়টি পোতাজিয়া দ্বি-পাঠ্যিক উচ্চ বিদ্যালয় নামে রেজিস্ট্রেশনপ্রাপ্ত হয়। বিদ্যালয়ের উত্তর পার্শ্বের জমি খরিদ করিয়া নতুন করিয়া আরও একটি প্রায় ২.৪০ একর ভূমির উপরে খেলার মাঠ তৈরী করা হয় এবং পূর্বের খেলার মাঠটি কৃষিকার্যে ব্যবহার করিয়া বিদ্যালয়ের আয়ের উৎস বাড়ানো হয়। বর্তমানে খেলার মাঠে বিদ্যালয়ের ছাত্র-ছাত্রীরা তথা গ্রামবাসী খেলাধুলা করে এবং প্রতিবৎসর বার্ষিক ক্রীড়া প্রতিযোগিতা অনুষ্ঠিত হয়।

তাহার পর সরকারী অনুদানে দুইটি পাকা দালান তৈরী হইতে শুরু হয়। দালান দুইটির নির্মাণকার্য অসমাপ্ত অবস্থাতেই দেশে স্বাধীনতা সংগ্রাম শুরু হয়।

দীর্ঘ নয় মাস সংগ্রাম চলাকালীন সময় বিদ্যালয়ের সমস্তকার্য বন্ধ হইয়া যায়। পাকহানাদার বাহিনী এই বিদ্যালয়েও হামলা চালায়। লাইব্রেরী কক্ষের দরজা ভাঙ্গিয়া অনেক বই-পুস্তক, পুরাতন তথ্য সম্বলিত কাগজপত্র পোড়াইয়া ফেলে এবং আসবাবপত্র ভাঙুর করে। স্বাধীনতা অর্জিত হইবার পর অত্র অঞ্চলের বিদ্যানুরাগী ব্যক্তিগণ, বিদ্যালয় পরিচালনা কমিটি এবং শিক্ষক মণ্ডলী অতিকষ্টে নিরলস প্রচেষ্টা চালাইয়া এবং পরবর্তীকালে স্বাধীন বাংলাদেশ সরকারের সীমিত অনুদানের দ্বারা গৃহগুলি সংস্কার এবং আসবাবপত্র পুনর্নির্মাণ করিয়া বিদ্যালয়টি চালু করেন। বর্তমান সরকারের অনুদানে তিন কক্ষ বিশিষ্ট একটি গৃহ ফ্যাসালিটি বিভাগের দায়িত্বে তৈরি হইয়াছে। অনেক বৈজ্ঞানিক যন্ত্রপাতি বিদ্যালয়ে রহিয়াছে, শুধু একটি পূর্ণাঙ্গ বিজ্ঞানাগার নাই।

বর্তমানে সং কমিটি পূর্ববর্তী ধারা অনুসরণ করিয়া কমিটি এবং শিক্ষকগণ সম্পৃক্ত হইয়া বিদ্যালয়ের পুরাতন তিনটি দালান মেরামত করিয়া একটি ভবনে রূপান্তর করিয়াছেন এবং টিনের ঘরগুলি স্থানান্তর ও সংস্কার করিয়া পরিবেশ রক্ষার জন্য অনেক সুদৃশ্য বৃক্ষ রোপন করিয়াছেন ও তিনটি স্যানিটেরিয়াম ল্যাট্রিন নির্মাণ করিয়াছেন তাহা ছাড়া লেখাপড়ার মান অনেক উন্নত হওয়ায় বিদ্যালয়ের ছাত্র-ছাত্রীর সংখ্যাও বৃদ্ধি পাইয়াছে। বিদ্যালয়ের বর্তমানে প্রবীন, নবীন শিক্ষক সংখ্যা দশজন। এই শিক্ষক গণ সবাই স্থানীয়। শিক্ষক সংখ্যা বৃদ্ধি পূর্বক বিদ্যালয়টি বহুমুখী করার প্রচেষ্টা চলিতেছে। একজন নবীন এম. এস-সি, বি-এড এবং অন্যান্য শিক্ষায় প্রশিক্ষণপ্রাপ্ত শিক্ষককে সহকারী প্রধান শিক্ষকের পদে বহাল করিয়া বিদ্যালয়টির আকর্ষণ বৃদ্ধি করিয়াছেন।

অত্র বিদ্যালয়টিতে জন্মলগ্ন হইতেই কো-এডুকেশন চালু থাকায় বর্তমানে ছাত্র-ছাত্রীর সংখ্যা প্রায় সমান সমান পর্যায়ে দাঁড়াইয়াছে। তাহাছাড়া বিদ্যালয়ের বর্তমান কার্যকরী পরিষদ তাহাদের সততা, ন্যায়নিষ্ঠা এবং ঐকান্তিক প্রচেষ্টায় ও গ্রাম বাসীদের সহযোগীতায় বিদ্যালয়টির যে প্রভূত উন্নতি সাধন করিয়াছেন যাহা ভবিষ্যত প্রজন্ম অক্ষুণ্ণ রাখিলে বিদ্যালয়টি শুধুমাত্র রাজশাহী বিভাগে নহে সারা বাংলাদেশের একটি দৃষ্টান্তমূলক শিক্ষা প্রতিষ্ঠান হিসাবে চিহ্নিত হইতে পারে। ইহা নিঃসন্দেহে অত্র এলাকার লোকের মধ্যে বিদ্যানুরাগের প্রতিফলন।

যদিও এই সংক্ষিপ্ত কলেবরে সমস্ত বিষয় পূর্ণাঙ্গভাবে উল্লেখ করা সম্ভব নয় তথাপিও একজন ব্যক্তির নাম উল্লেখ না করিলে বর্তমান প্রজন্ম উক্ত ব্যক্তির নিকট অকৃতজ্ঞ থাকিবে। তিনি হইলেন পোতাজিয়া ইউনিয়নের ইসলাম ধর্মাবলম্বী ব্যক্তিগণের মধ্যে প্রথম এন্ট্রাল পাশ। তিনি শিক্ষা জীবন শেষ হইতে না হইতেই অত্র বিদ্যালয়ে শিক্ষকতা শুরু করেন এবং পাশাপাশি বিদ্যালয়ের করণিকের কাজ সুচারুরূপে সম্পন্ন করিতে থাকেন। তিনি ছিলেন একজন অত্যন্ত দক্ষ ইংরেজী শিক্ষক এবং বিশিষ্ট সমাজকর্মী। তাঁহার সারাটা জীবন এই বিদ্যালয়ে সেবায় নিয়োজিত করিয়া গিয়াছেন। তাঁহার পাণ্ডিত্য ও ব্যক্তিত্বের কারণে শুধু অত্র পোতাজিয়া ইউনিয়নবাসী নহে অত্র এলাকাবাসী তাঁহাকে মাস্টার সাহেব খ্যাতিতে অভিহিত করেন। বর্তমানেও শ্রদ্ধার নিদর্শন সরুপ তাহার বিদ্যালয়ের কর্মজীবনে যে চেয়ারটিতে বসিয়া কাজ করিতেন সেই চেয়ারটিতে কেহই বসেন না এবং তাহা যত্ন সহকারে বিদ্যালয়ের কর্তৃপক্ষ সংরক্ষিত করিয়া রাখিয়াছেন।

বিদ্যালয়টির এই বৎসর শতবর্ষ পূর্তি উৎসব বিশেষ মর্যাদার সহিত পালিত হইতেছে এবং বিদ্যালয়টির অতীত ও বর্তমানের সংক্ষিপ্ত ইতিহাস শতবর্ষপূর্তি উপলক্ষে প্রকাশিত মার্গণ এ সন্নিবেশিত করা হইল, যাহাতে পাঠকবর্গ এবং আগামী প্রজন্মের কাছে এই বিদ্যালয়টির সমীক্ষা সহজতর হয় এবং পরবর্তী প্রজন্ম এই সুদীর্ঘ প্রচেষ্টার সার্থক দৃষ্টান্ত উপস্থাপন করিয়া পোতাজিয়া তথা অত্র এলাকায় শিক্ষা বিস্তারের অধিকতর সুযোগ সৃষ্টিতে অনুপ্রাণিত হয়।

এখানে স্মরণযোগ্য যে, আমাদের আত্মতৃষ্টির আশ্রয় নাই আরও অনেক কিছু করিবার রহিয়াছে যদিও যাতায়াত ব্যবস্থা পূর্বের তুলনায় কিছু অংশে সুবিধাজনক হইয়াছে। বিষ্ময়জনক শিক্ষার প্রাতিষ্ঠানিক উন্নয়ন প্রয়োজন অনুযায়ী হইবে, এই প্রত্যাশা রাখিয়াই প্রবন্ধটির সমাপ্তি টানা হইবে।